



Cui pensavial mai di vê a ce fâ cu la poesie a la me età! Al è stât chel sacravolt di Nelo Malisan ch'a mi à stiçât, fevelantmi di un concurs inmaneât dal comun di Basilian, ch'al varès premiadis lis primis trê oparis cualificadis di une jurie a pueste. Ven a stai lis oparis a podevin jessi sedi in prose sedi in poesie, voltadis dal talian al furlan. Po ben o ai provât a voltâ in marilenghe furlane, cence rispjetâ ni rime ni metriche, il plui biel sonet di ***. O sperî che il grant poete no si rivolti tal so Sepulcri. No covente dî ch'a no ai mandât indenant nuie a Basilian, parcè che se o vês cirût di ubidî aes regulis dal sonet, rime e metriche, al sarès vignût fûr un pastiel di fâ tramâ. No che cussì come ch'al è al sedi tant miôr, ma almancul i miei amis contecurtârs no mi tiraran i pomodoros.

Bepi Zefon

A la sere

Forsit parcè che al cidinôr signestri
Tu someis cetant, tu mi rivis ben cjare
O sere! Sedi cuant ti riverissin legris

Lis nulis e i aiarins cuiets d'Istât,
Sedi cuant che dal aiar di nêf stiçât
Lungjis scuretâts al mont tu puartis.
Tu rivis simpri bramade, e i plui scuindûts
Trois dal gno cûr in mût lizêr tu strenzis.
Tu lassis scjampâ i miei pinsîrs su lis olmis
Ch'a van tal nuie eterni; e intant al cor vie
Chest timp carogne e cun lui lis sdrumis
di rognis ch'a mal fasin ingropâ dentri di me
E biel ch'o cjali a la tô pâs, al duar cidin
chel bruseghin di vuere che dentri mi rosee.

di ... induvinait voaltris contecurtârs